



In dals martgadants d'energia a Poschiavo: Ils collavurats derivan da la Germania, Austria, Svizra tudestga e dal Puschlav.

Cun aua vegn fatg energia – ina basa per la bainstanza e pussanza da la Rätia Energie.

FOTOS C. CADRUVI



Moniturs, martgadants e marschas autas

In'egliada en il pli nov bajetg da biros da la „Rätia Energie“

DA CLAUDIA CADRUVI / ANR

Iran influenzescha il pretsch

Minimum quatter moniturs ha mintga martgadant avant sai. Sin ulteriurs moniturs amez la gronda stanza da biro marschan novitads mundialas davart l'economia e davart plazzas da lavur. Ma da preschent s'interesseschan ils martgadants per la politica en l'Iran, explitgescha Stengler. Lezza ha influenza sin il pretsch d'ieli e lez puspè sin il pretsch d'electricitad.

Il tradingfloor constista da trais partiziuns: quella dals martgadants, quella dals analists ed il back office, nua ch'i vegn manà cudesch e tschentà quint per l'energia vendida. Ma en il center stattan ils martgadants. Lur lavur sumeglia in pau quella dals martgadants da bursa. Els observan ils svars da pretschs sin la fiera che pon esser marcants dad in di a l'auter.

Ils svars èn dependents da facturs sco l'aura, la conjunctura, la politica e sco tar

il martgà d'accias gioghian magari schizunt facturs psicologics ina rolla. En Germania datti blers implants da vent, explitgescha Stengler. Sch'i va pia in di in ferm vent, produceschan quests implants blera energia ed il pretsch va a bass. Lura emprovan ins da vender l'energia en l'Italia.

Ils martgadants a Poschiavo elavuran la fiera da la Germania, l'Italia e l'Austria. Per part vegn vendì energia gia in onn ordavant u cun fatschentas da termin schizunt tschintg onns ordavant. Tar talas fatschentas gioga era la speculaziun ina rolla. L'onn passà sajan ils pretschs d'energia stads uschè auts, ch'era la Rätia Energie haja nizegià talas fatschentas da termin, di Stengler. Ins vendia sa chapescha be ina cumpart da l'energia disponibla per fatschentas a lunga vista.

Pli baud serravan ils martgadants giu las fatschentas sur lingias da telefon ed aultpledaders. Oz marscha tut

Concern cun svieuta da prest 2 milliardas

La Rätia Energie ha ina tala grondezza ch'ins dastga discurren d'in concern. Il gudogna principal vegn da la martganzia d'electricitad. Il 2008 ha la Rätia Energie cuntanschì ina svieuta da record da 1,971 milliardas francs. Ils gudogns han summà a 94 milliuns.

En tut porscha il concern radund 600 plazzas da lavur e 66 plazzas da scolaziun. Da quai sa chattan 420 plazzas en il Grischun – 180 en il Puschlav. La sedia da fatschenta è a Bru-

sio, l'administraziun a Poschiavo. En l'exteriur datti filialas a Milaun, Prag e Neapel.

Il concern less en il futur chatschar ragisch en Germania, l'Italia ed en il sidost da l'Europa, explitgescha Werner Steinmann, pledader da la Rätia Energie. Per quest intent investescha il concern ils proxims 15 onns radund 1,5 milliardas francs en implants da produenziun d'energia. En il Grischun è planisads quatter projects da fin 1 milliarda francs.

sur internet ed in contract vegn sigilà per «clic». Disturbis technics na dastgan betg capitar, di Stengler. Per evitar gliez lavuran trais tecnicists permanent en il tradingfloor a Poschiavo, ed

a Brusio datti per il seracas anc in biro da reserva. Ils collavurats dal tradingfloor derivan da la Germania, da la Svizra tudestga, da l'Austria e dal Puschlav.



Lain, betun e vaider sa cunfan bain en il nov bajetg da la Rätia Energie gist sper la chasa communal da Poschiavo.

Sco a la bursa èsi en il tradingfloor – blers moniturs e trasora vegn tadlà novitads internaziunalas.

